


# 旧地新游 去动物园寻欢



可爱新丁喽报到

凶猛如老虎狮子，憨厚如犀牛河马，无论咩动物，幼年时期嘅佢总係可以轻松俘获男女老幼嘅芳心。近段时间，广州动物园都增添咗唔少新成员，非常之生猛咁动物园里面扎扎跳，就算烈日炎炎唔想嘅，见到佢哋都觉得充满活力。中国本土物种嘅川金丝猴，同霸道嘅猕猴桃同，但白色嘅毛发，令佢睇起身多咗一份温柔亲厚。而动物园中两只新出世嘅川金丝猴幼崽，静处乖巧可爱，一上树就即变“百灰星”，时时刻刻都嘅度探索世界，一阵爬树桩，一阵又倒挂藤树枝上，敏捷又调皮，令游客忍唔住停低脚步，望多两眼。佢哋叫咩名？将会由你哋话事！作为猴山嘅“团宠”，动物园最近会面向社会为佢哋征名。除咗金丝猴幼崽，河马“冲冲”“泳泳”一家也有新成员，但哋仔仔“柒柒”先三个月大，分量已经唔啱少，但胆子比较小，见到生人好怕丑。动物话咁快就会大个啲啦，想睇可爱动物幼崽，就记得抓紧时间咁咁出声出发啦。



动物身世好益鬼

行入动物园，你就知道每一只动物都有独特魅力，值得你去了解。例如，广州动物园嘅大象兄弟点解会被叫作“官二代”？因为佢哋嘅爸爸、妈妈分别系印度同越南送给中国嘅国礼；早前刷爆朋友圈嘅“内环鹿”係点回事？原来动物园运送嘅长颈鹿标本，生前前园中长颈鹿群嘅King海朋，现在安放园内科普长廊里面；怕老婆嘅却又同“二奶”生仔嘅马来熊，会为权力争斗而断尾，残缺却依然能成为“女王”嘅狐獴“奥利”……多咗了解野生动物，就会发现多嘅精彩故事，动物园里面简直处处有宝藏。Color 仲发现，动物园呢几年仲策划咗好多特色活动，想令更多人认识到生物多样性嘅重要，希望大家从了解到喜爱，慢慢生去保护动物嘅决心。唔係得珍稀动物先值得去保护，每一个野生动物都係我哋珍贵嘅地球邻居，咪等到快失去，先开始珍惜。



Color提示:

虽然广州动物园开放时间係8:00-18:00，不过好似华南虎、大象这种猛兽类动物，会在每天16:30左右吃晚饭，晚饭后就少会出来走动，所以想见佢哋，就唔好太迟入场啦！



提到广州动物园，好多广州仔女嘅第一反应係：「我细蚊仔嗰阵去过！」呢个神奇嘅地方，绝对係广州人童年回忆嘅一部分。前段时间，因为齐刘海狮子“阿杭”、饮老火汤嘅猩猩等趣闻，呢个童年必打卡景点，被大小孩们重新关注。其实，广州动物园一直都有与时俱进，係个时时新嘅宝藏景点嘅！

黄芷晴/文 许建琳/通讯员 黄雷/模特 秦丽莹、广州动物园提供/图



互动多多乐趣多

好多人会觉得去到动物园得个“睇”字，趣味性好有限。而为咗保护动物、游客以及物种之间嘅底线，广州动物园并不鼓励人与动物有身体接触。为咗打破呢个僵局，又吸引更多游客去了解野生动物嘅魅力，动物园都咁咁好多计仔，生鬼嘅互动打卡装置就係其中一样法宝。现在除咗可以一睹“洗剪吹界网红”白狮阿杭嘅“芳容”，在动物园仲可以睇“发型狮”装置合照留影，留低最型嘅打卡记忆。在不同的角落，动物雕塑、涂鸦等打卡位置，会俾我哋唔少惊喜。而最受欢迎嘅动物互动项目，仲係喂长颈鹿。睇专门的平台上，游客可以缩短同长颈鹿的身高差，亲手喂佢哋食树叶，你可以感受到长颈鹿嘅气息，吹动你手上嘅汗毛，近距离观察到佢哋又长又灵活的舌头，仲可以见到长颈鹿为咗美食“争风吃醋”嘅有趣场景。为咗长颈鹿嘅健康着想，呢个喂食项目每日都係限时限量开放，去之前记得提前做功课，费事摸门打破。



提起中药，大家自然联想到甘甘咁嘅味道，如果Color话要带你去睇广东中医药博物馆，你首先会谗到咩？位于广州大学城嘅广东中医药博物馆，经过整体升级后，在今年7月揭开神秘面纱啦！馆内通过各种有趣的形式，向大家展示博大精深的中医药文化，好啱大、小朋友假期里相约打卡，一边汲取知识，一边收获快乐！

郭玮/文、模特 陈祉伶、秦丽莹/图

# 大开眼界！ 趣游中医奇珍世界



知识库超有料

博物馆共设5层，每层都有多个细分的主题展览。“标本馆”向大家展示各种类型嘅中药标本，碧绿草本可能係我哋日常嘅止咳药，黝黑木头可能有益气养脾嘅功效，望落普通生果有区别的肥美果实原来有剧毒……你未见过嘅趣怪草本、动物矿物，原来都可能係治病、养生嘅“苦口良药”。“针灸馆”内有琳琅满目的针具、穴位图展示，每个时期嘅“九针”都各有特色，金属制嘅尖利锋利，玉石造的就晶莹剔透，每款展品嘅展出更有精心搭配过，兼有详细嘅视听解说，形象地呈现针灸发展嘅概貌，等大家可以了解个中玄妙。“养生馆”则最贴近生活，从日常饮食健康，到长寿养命秘方都有唔同嘅展示，有啲仲会设置体验区等大家即场感受添。在博物馆里嘅每个时刻，目光所及都係满满的知识点。



惊喜打卡靓爆镜

每个进入博物馆嘅观众，首先都会被贯通3个楼层的岭南中草药液浸标本墙所吸引，此处展出以岭南中草药为主的600瓶药用植物原色浸制标本，晶莹剔透、色彩斑斓，站在馆内不同楼层观赏，会呈现出不一样的视觉美感，被誉为“中药水晶宫”。拣啱角度随手拍，大片靓照即刻get。仲有好多宝藏打卡点散步在各个展馆的角落：可以同巨型人参模型“做朋友”，可以走过声控展示柜玩转“隆重登场”，仲有细节满满的中医馆场景区，等你可以挽手铜像合影，或者cos执药大夫……只要你谗得到，就有好多可以影到靓相嘅打卡位。想参观“野生动物世界”？唔一定要去公园，嚟度一样可以收获百兽出巢嘅惊喜！馆内特设展区专门介绍药用价值好高嘅海洋生物、陆地动物。例如，海洋馆内有一条“海底隧道”向大家展示鲨鱼、海龟、鲸鱼等海洋动物标本，海蓝色射灯将通道映衬得非常feel，企喺中间就犹如置身海底，唔洗湿身都感受到水嘅清凉。



互动实操劲过瘾

要养生可以闯关，点击投影墙嘅气泡可以学药理知识，形似“打地鼠”嘅机器原来係讲解内脏对应患病警告……馆内有丰富又好玩嘅互动实操装置，兼具趣味性与学习性，让大家从心底里觉得中医药文化原来都好好玩，在轻松的玩乐过程中感受中医药的魅力。有啲位置仲可以让你知道自己嘅身体状况，好似身高体重秤隔离就有BMI对照表，查到自己嘅身体指数是否达标；拉伸体验区有齐齐整整嘅“拉筋台”，Color团队齐齐上阵，大家估唔到咁到位最挂？

